

邃懷堂全集

邃懷堂詩集後編卷二

寶山 袁翼 穀廉

黃少鐵陳樸園兩大令招同蔣子瀟孝廉小集

水觀音亭遲霽月上人不至

東湖古蘭若今夕聚文星良友一樽合晚荷十里馨

湖中荷花未殘吟豪風走管談久月窺櫺不見琴聰至湘絃

何處聽霽月善鼓琴

風景非全盛湖山未收觀百年文獻闕一代史才難

吳甄甫中丞延子瀟重遊子思將母使君各泣官瀟子

修江西省志既而不果

將回固始少鐵

樸園仍回原任歡筵珍重意已作別筵看

寄懷高子琴上舍

總角情親似弟兄
昆壯離君屋客都門十年青史同燈
火九月黃花繫夢魂
君家栽菊甚盛花時
宴客極詩酒之樂
酒漉葛巾
鸚鵡殘霜凋荆樹
鵲鵲原令兄少山子
廉相繼下世傳聞先業仍
魚市隴上遺田十頃存

雨夜獨坐月上答簡李寶之

骯髒二十載塵事千萬端
比來牛馬走老髮羞披冠
眾人骨皆媚古調不可彈
空巖蔽荆棘雨露凋芝蘭

念我同心友市隱敦古歡案頭注太元筆下生烟巒
兩句苦霍潦奮飛無羽翰長鬚忽持簡來問餐衛安
翦燭讀未竟娥影窺疎欄慷慨作豪語胸臆蛟龍蟠
未足愈頭風已洗面目酸世間好男兒乃吐真心肝
會當籌買宅近傍東湖干隔牆喚元九竹裏傳杯盤
重修滕王閣落成和吳小穀郡伯原韻

帝子留高閣經過弱冠年江山懷昔夢詞賦溯陳編
記挈題襟侶曾開落帽筵駒陰雖瞥爾鴻爪尙依然
捧檄慙毛義登樓感仲宣大文星燭漢

周岐滕王閣
詩文集選序

區區一閣得子安忠節月輝川山明時閣後有文文地

本通秦洞屏閣諸名勝甲於區內書還繼晉賢錄滕

王閣三字匾額元初東南賓主美水陸往來便蛺蝶

描統扇嬰善畫蛺蝶元驂騑覆錦韉時懸高士榻暫繫

餞行鞭臺榭思歌舞帆檣聚懋遷衝達連楚粵錯壤

控袁虔每切融風慮常防燭火延紅羊逢轉刼白鶴

共飛煙漢書初元二年白鶴館災烈燭崑岡焰災占象緯躔徙薪

忘客戒禳瓚乞神憐欲集成裘腋當分負鼎肩易求

修月斧難得鑄山錢大府勞籌畫羣公議倡先雍熙

歌舜日缺漏補蝸天各解廉囊助猶懲庶政愆不收
功德米自足灌輸泉圖繪原從舊明盧柟有勝王閣圖規模似
軼前廣徵營室匠慎選考工員搏埴雙鴛瓦磨礱五
鳳罇聖漿千杵搗墨線四圍牽城擬魚鱗密垣期雉
堞堅廊腰加曲折溝穴暗洄沿闔闔金鋪耀罽毼鐵
網聯劍飛應返匣珠去復還淵復棟虹蟠結危檐鳥
翥翩莊嚴生眼底歡喜溢眉邊龍炬銷無迹鼇維冥
有權驚心同赤壁彈指現青蓮燕雀仍相賀雲霞倍
逞妍十旬新締構一霎幻滄田瞻眺來裙屐併幪及

闔廬題楹才子句閣中楹聯以宋漫堂先生為第一記事醉翁篇指

伯犧罕傾三雅霓裳詠鳳仙各大府皆有落成詩碑酬皇甫絹

帖寫洛妃鈿灰燼重收拾鈎摹亦麗娟閣中碑刻楹聯悉臨摹補

置使星郵驛至宸翰琬瓊鐫國朝來閣四燬於火御碑亭屹然不動

形勢雙江抱恩光九陛傳閣前有迎恩亭未燬窗臨迦葉塔

撫州門外有繩金塔鎮厭火災門對木蘭船定訝真靈降平看列宿

懸環漪添竹檻拾翠葺松楸環漪拾翠閣中亭名梯級層層峻

闌干面面全微名能附否下吏與榮焉蕭嶺常無恙

秋屏永弗驚唐家遺構在聖宇並長綿

萊山夢隱圖歌爲黃少鐵大令作

我讀龍門司馬史老萊疑卽伯陽氏神仙高士兩不
奇卓哉先生是孝子蓬蒿爲室葭爲籬堂上白髮雙
期頤班衣撲地嬰兒啼山妻鬻畚供槃匱里居疆域
渺難考孝名日月青霄垂往還曾鼓渝江楫遙指靈
巖白雲窟愁聽皋魚風木吟終天抱恨銜心骨披君
尺幅夢隱圖雪泥鴻爪非模糊謝公屐齒未遑到宗
子卧遊良足娛君來此邦作父母四月頌聲碑在口
兒是鳳毛婦鸞偶所患莫奉陔南酒便教金印綰如

斗不及蒙山辭組綬輾轉衙齋構夢思煙霞似見扶
犁叟蟠根仙李有耳孫畫法能傳摩詰神同此蓼莪
一掬淚濡毫和墨開嶙峋百年鼎鼎疾如箭常願寸
草依萱椿吁嗟孝子多逸民吁嗟孝子皆純臣君不
見黃君猶夢圖中人

題統扇送人回吳門

花發辛夷照眼明攜柑三度聽啼鶯誰知翡翠園前
路尙有何哉唱渭城

綠榆飛盡沈郎錢爛醉湖亭漠漠烟攜我一襟豪士

淚化爲紅雨灑吳天

如冠九宮贊摘崑仙贈詩中寫秋二字以額其
軒屬題是詩

小謫蓬萊香案吏飄然腳踏紅塵地一枝筆擅書畫
詩冰雪聰明出新意絳霄飛下吟詩聲疑是中山衛
叔卿贈君佳句唾珠玉蝌蚪字挾仙風行寫得秋懷
寄空谷洞庭萬頃波光綠古人秋恨問誰多惟有左
徒與宋玉淒風苦雨太無聊燈下離騷不堪讀輕裝
襍被來洪都欲隨五馬遊匡廬太守一麾遲赴郡公

子十日留傾壺鯁生阮傲并嵇嬾萍梗相逢情款款
龍華會裏證前因暫作南州寓公伴吁嗟身世水面
漚雙丸跳擲如梭投顰頭鼠目亦天付安知骨相非
封侯落月離情滿江樹遙指鳳凰山下路冠九將隨
耆九峰太
建昌守涖任秋聲莫更賦歐陽宣室終當徵賈傅他時若
訪麻姑壇願贈丹砂起愁瘡

秋興

一葉梧飄金井邊秋來百感愈紛然窮途淚灑疑無
地公論心平尙有天欲製籃輿尋栗里漫愁錦瑟數

榆年聲名官職尋常事入手方知不值錢

送人作郡日行行閒煞英雄髀肉生城郭萬家園夕
照江流一夜變秋聲命中月亭時相值夢內天讒醒
亦驚蒜髮漸凋心漸淡浮雲世事看分明

消夏灣頭罷汎舟荻花楓葉又蕭颼詩逢工處唐衢
哭天到秋時宋玉愁澗水暗從孤岸漲火雲都傍近
山收誰家深院催刀尺檢點筠箱少做裘

捲簾待燕立黃昏潦退階除露石痕江上暮雲思舊
雨天涯芳草怨王孫一肩事業蹉跎過半部經書福

慧存萼綠華來春有信自攜杓水灌梅根

友人餽綠梅二盆已

蕊含細

鄉關消息恐傳訛接得家書字半磨忍見魚頭生赤

子欲割鰲足奠黃河

河淮並漲漂溺民廬

妖星當戶燭花暗

七月

初有大星見西南方赤芒四

射至亥正而沒約十餘日

冷雨敲窗蟲語多料得

西樓人獨倚輕寒已透越溪羅

不沉三版竈生蛙蕩析流離數萬家

德化彭澤等六邑

蠲稻

波漂那有種雁蘆秋老尙無花天書斗米傳張魯

長甯

龍南等邑海島樓船伏呂嘉

沿海各省

誰是草堂杜陵叟杞憂

搔首一長嗟

清門薄祚費支持待付牙籤與阿宜
白屋解衣烘蝨夜青山擁鼻著書時
養生初習庚申守推命多嫌甲子雌
莫訝廉薑老彌辣開花亦是傲霜枝

紅牆碧漢路迢迢衰柳空存舞後腰
牛斗光寒誰識劍蓬萊水淺恨無橋
讀書究竟慙袁豹媚世何妨學李貓
我比江郎才更盡筆花黯淡可憐宵

郊行卽景

綠玉沾春酒滿瓢舍南舍北互招邀
泉通竹筴溜穿

逕風送菜花香過橋雙翦燕來尋絮壘一肩人去弄
飴簫韶光嫵媚仍無恙贏得頭顱雪亂飄

題武小原刺史對山讀畫樓圖

廿年宦轍感勞薪讀書看山意倍眞仍是一麾江海

去不容遽作卧遊人

小原由南康府通判擢廣西上思州知州

畫分荆浩關同派樓峙終南太白間憐我西江羈十
載夜窗猶夢晉河山

倪迂邱壑米顛詩金粟前身老畫師一曲驪歌南浦
岸桃花柳絮送君時

攜得匡廬雲滿袖金魚白馬到燕臺桂林無數青山
好早待先生潑墨來

題鄭少萊同年看劍引杯圖

我家七十二灣之吳淞扶桑手拂銅鉏紅君家莫釐
之下具區東煙鬟縹緲青芙蓉同鄉同歲不相識相
識乃在章垣中東湖南浦共來往披襟十頃玻璃風
博物前生是雷煥紫氣豐城斗間看雌雄變化延平
津鳬鳥仍飛劍江岸千金欲買吳純鉤何如十年藏
匣忘恩讎葡萄酒換涼州印何如接離倒載日酣飲

知君豪俠氣未除惜哉不上麒麟圖杜陵詩意曹霸
手生面開出黃虬鬚拔劍向天壯士嘯舉杯邀月姮
娥孤老夫把玩增歎息世間缺陷邱山積腦後久藏
一寸鐵淬以熱血三升赤而今雌伏霜鋒澀羞與隱
娘談劍術

書耆九峯太守與天遊室印譜後

九里山人走鐵筆燈光瑩凍桃花色三橋蒼古雪漁
逸前輩風流不可得劫灰飛度五百年何處懸金購
遺刻吾聞椎篆通神明斷釘屈曲修蛇行鋒尖欲泣

冰斯鬼腕底猶窺羲獻情流雲拍浪逞姿媚倚門粉
黛非傾城長白太守金枝裔十載秋曹老決事白雲
樓上賦詩閒石鼓銅彝盡羅致早年便悟螭扁法奏
刀砮然偶一試化工所到手不知神似將軍箭畫字
靈書示我宛委編薑芽薺葉珠泥妍昆吾削玉亂霏
屑虹氣散作藍田煙君身自抱九仙骨暗攜月斧來
雕鐫姜黃吾趙倘把臂定教下拜黃堂前締交願附
金蘭簿愧我無才賦石鼓印人佳傳那足數一笑櫟
園空攷古芒刃不鈍新發硎此卽先生活民譜

九峯指頭畫石贈程卧梅大令卧梅索作長歌

並呈九峯

耳空居士善畫石墨汁淋漓指頭出前有八大後半
千百卅年來少儔匹太守夙世金粟身自謂倪迂兼
米癡夢中遊遍五指山割取一卷冰玉質忽驚驚嶺
失左股挂在萬梅香雪室梅花道人見之拜一指參
禪便成佛江月窺牖光晶熒山雨逼簾氣蕭瑟豈惟
磅礴起方寸直使玲瓏透骨節以指喻指本非指神
動天隨亦非筆異日定當破壁飛印章卻認王摩詰

題錢鏡甫少尉眠琴綠陰圖少尉爲武肅王後
裔舊從余安福縣幕故詩中及之

我初從政攝安福書記風流推杜牧少尉婆留幾葉
孫弱冠英姿琢寒玉三十六度秋月圓盤山庾嶺各
一天棲遲遲幙豈長策選人欲謁東西銓宏羊孔僅
助邊粟斗大金印腰間懸讀書不成便讀律讀律不
成亦作官柳堤風冷鶯梭線孺子亭前復相見相見
丰神似昔時水仙一曲琴心艷梧桐小院綠玉陰中
有彼美鸞鶴襟不聞落子苔衣深手眠焦尾還低吟

當年表聖著詩品惜哉四海無知音畫師寫出不言
意松聲謾謾琴悵悵似我窮愁安足數詩律猶誇健
如虎錢生抑塞將奈何拔劍且作王郎歌

吳子罕茂才以詩稿索題

禪榻耽幽寂頻年客灌城詩篇唐大厯經術魯諸生
寄食空彈鋏雄心欲請纓龍華山下路簑笠說歸耕
莽莽乾坤大何時懷抱開君成三拜癖我少十鑽才
橐筆生涯倦流光節序催正當風雨夜披卷快傾杯

題蔡香祖大令滄溟山險圖

飄然一葉泛滄瀛
電掣雷驅二萬程
玄步車書通絕島
丁年冠劍重儒生
笑談眼底無蛟鱷
芒角胸中有甲兵
銅柱摩空應未圯
月光仍照伏波營

忠孝何妨歷險巇
南交一日姓名知
人驚浩劫迴輪處
佛送慈航到岸時
枸醬早傳身毒國
弓衣多織聖俞詩
章門披卷燈前讀
疑有鯨烟拂鬢絲

題同年徐蓮舫大令畫溪春曉圖

德公雞黍留元直
覲面緣遲十載前
事業漫愁青史少
風光猶上白鬚妍
一隄草色侵鞋底
四野花香撲

帽邊如此湖山好圖畫遂初人隱是神仙

罨溪春漲縠紋生新築藏書屋數楹水色山光都入

畫詩人循吏兩知名買田君早籌歸計聞笛吾深感

舊情

周保緒師與君同里莫逆

遙指長橋亘天漢甘棠栽後綠陰

成

貴溪長橋爲君善政之一

題恭蒞甫太守築屋松下脫帽看詩圖

三盤深處築茅亭四面青螺列畫屏定是河西賢太

守手中一卷握奇經

苔痕綠上筍皮鞋石磴跣趺亦復佳絕妙好詞吟欲

就蕉衫風過撲松釵

東閣琴樽記昔時繡衣歸老白雲湄郎君重見施行

馬冰雪精神玉樹姿

尊甫竹樓觀察與先府君同年

綰符監稅到筠州坡老還來會子由此夜東軒君待

月舊時松榦化蒼虬

瑞州府署東軒蘇子由所構後子瞻來會居此軒二十餘日爲

種松一本而去

昌江舟次

鯉魚橋接白鷗陂樓閣高低枕水湄山雨欲來雲氣
涇湖波微縮碓聲遲驛亭隔岸猶傳鼓密戶迎年不

式微堂詩集卷之二
賣瓷繫得扁舟天又雪桃符初換試燈時

贈野花

野草春開百種花托根常傍老農家玉樓金屋無人
問獨向空山度歲華

代野花答

姹紫嫣紅媚遠岑香風珍重拂君簪微名不入羣芳
譜辜負東皇一片心

署後土山偶步

世緣終淺道緣深此語低徊直至今雨後筍籬多解

籜風前柳線已成陰艱難無補烹鮮手蹉躓還存伏
櫪心日日簿書堆一尺壁間塵網暗香琴

龍缸歌

龍缸徑三尺高二尺強環以青龍四下作潮
水紋牆口俱全底脫瓷色青翠欲滴邑志載
前明萬厯己亥神宗敕造是器累月弗成督
匠益力有浮人童賓憫同役之苦願以骨作
薪躍入火中缸乃成自是器無弗完者窰人
建祠以酬其德號風火仙與晉之趙萬碩並

爲佑陶神焉此缸成後落選舊置僧寺牆隅
乾隆間唐雋公觀察爲權陶使遣輿夫舁至
神祠堂西飾以高臺與碑亭對峙道光己酉
余權令浮梁至景德鎮謁風火仙祠得觀此
缸作歌示幕中諸友

君不見夫婦躍入洪爐中鑄成千莫雌與雄人精劍
氣合爲一風雨變化騰雙龍大闔監厥造奇器欽限
稽遲役夫斃童公自誓骨作薪火宅湧現蓮花地忠
肝烈膽熱不焦生爲陶匠死佑陶精魂炯炯默呵護

出爐御器皆堅牢玉卮無當棄牆角後人猶仿神宗
窑此缸非重人足重覆以七寶層臺高吾聞景德鎮
窑起宋代圖琢青紅出新態萬肩官土刷麻倉百里
昌江轉雲碓吁嗟秕政萬厯年貴妃內相持朝權一
缸糜費十萬錢義士膏血同熬煎湖山已入滄桑劫
草野爭傳風火仙摩挲今日如銅狄潮水生紋翠痕
滴御窑廠枕珠山隈聖皇不貴珍奇物仙乎控
鶴重歸來對此龍缸增歎息

景德鎮

昌南無復舊繁華但買冰瓷不買茶
百里碓聲傳爆竹四圍天色染朝霞
載薪舴艋三千櫓近水樓臺一萬家
誰唱竹枝新樂府笙簫報賽集神鴉

過夕陽嶺

我家海上無青山愛山常欲窮躋攀
年來筋力漸衰憊出門厭見山迴環
浮生失足墮塵網清福難受天非慳
千縈百折轎杙陞仰窺絕頂通仙寰
松風檜月不磨滅笛聲縹緲虛無間
相傳藍采和吹笛於此真人丹竈有
餘火藤蘿深處扃霞關夕陽西墜半天赤
但見禿樹

盤雙鵬割然長嘯四山應百尺瀑布鳴潺潺簿書鞅
掌暫擺脫顧此陡覺開心顏黃庭內景倘傳授親爲
玉女梳雲鬢明朝策杖度緱嶺定遇靈香跨鹿還
都羣山嶮峭中有一峯名緱嶺

久雨新晴階下積水通池憑欄口號

梧桐深院日初晴小吏階前抱牘呈人意趨炎金鼎
熱我心無垢玉壺清雙鳬浴水依苔磴一蝶尋花過
竹棚京兆古來稱五日此間四度月輪明

城中經月無魚偶得蓮花塘烏背鯽魚烹食甚

美

纔識蓮塘鳥鯽魚南屏舊事已蕭疎江東莫道尊鱸
美孤負秋風廿載餘

激灩銀塘漲碧瀾蒼茫山色撲衣寒幾時萬柄蓮花
裏月白風清釣一竿

康郎山謁忠臣廟

濠泗英雄起庚申歷數移人間無信史湖上有專祠
馬革忠魂返麟臺畫像遺漫誇王保保卅六亦男兒
三十六忠臣明史不爲立傳

地是新連塚

廟僧云殿下皆埋甲冑蹈之有聲余疑三十六忠臣遺蛻並葬此穴其說詳余

所作高陽侯

韓公考略中人皆絳灌儔風雲千載會波浪四時秋

紀信乘黃屋嚴顏斷白頭雞鳴留十廟相望大江流

登觀音閣

巖嶢傑閣倚天開檻外蒼江抱石臺鈍漢本無成佛
相可兒誰是濟時才樵人斧出深巖響瓷客帆隨夕
照來此地微饒門戶險戍樓烽堠盡蒿萊

荒村

避水人歸後荒村三兩家隄崩欹古樹漲落積平沙

鴻雁飢空集
蜩蟬寂不譁
上官催賦急
羽檄滿公衙

鄱湖舟次感事

連天碧漲蠡湖濱
風雨扁舟一葉身
京兆瓜期餘五日
昌陽花事過三春
捫心愧少涓埃報
挂齒知無恩
怨人算作浮梁買
茶客匆匆來去不嫌頻

遊螺墩雜興

王珣別墅拾毗尼
楊柳樓臺水一涯
共說今春花事晚
牡丹開後已酴醾

風寒繡幃不颺塵
女伴相攜共踏春
看罷名花還小

坐閣中再去看花神

螺墩花神相傳揚州名匠所塑江西神像推爲第一

半村半郭小蓬壺點綴溪山入畫圖玉版心經猶在

壁簪花人去格模糊

壁間有管夫人心經小楷石刻近爲人搗損

風光似勝百花洲漁舍農塍一覽收香火緣深塵市

遠維摩應有讀書樓

主人珥筆紫薇垣忘卻洪都繡谷園今日半山無片瓦有誰來此與爭墩

得坤堂姪家報以詩答之

驛馬年年進命宮山程鞍鞅水程篷家園夢斷扶桑

外簿領神疲束筭中負債券多頻畫諾補官期近已
成翁遙知書發吳淞日上已蘭觴醉阿戎

居然湯餅得雄嬰慰我衰年繞膝情拙宦未能求捷
徑勞心眞覺厭餘生傳家清白箴常守對客雌黃氣
漸平老屋數間須補葺芳鄰他日向歡迎

爲沈槐卿大令題芝陽恤災圖

君不見鄭俠一幅流民圖鳩形鵠面塞路衢又不見
袁玠一首踏災行道旁僵叟血淚傾凶災愼莫委氣
數天陷媯皇石能補狂瀾未可隻手回彼岸須援眾

生苦鄱湖東去江不容江流倒灌聲洶洶六旬霖雨
老蛟怒拔山跳舞洪濤中芝陽城郭半明滅但聞四
野鳴哀鴻使君沈約慈悲佛肘後書懸活人術勸捐
請賑計太迂扁鵲難醫倉猝疾窮官那得私錢拯十
萬嗷嗷盡延頸稱貸不足質長沙先煮豆漿後麻餅
扁舟一葉樹杪行合掌呼公活我命鰕生初自浮梁
回是時五月天陰雷高檐鵠吻露一線欲泊難泊神
徘徊狂飈捲雹大於甕舟觸石磴將沈桅馮夷援手
出深湫兩袖洗盡黃塵埃此身自幸脫危險對此漂

美里先生集卷之二
溺猶銜衰老農掩面涕如雨細訴連年被災語去年
低區水八尺今年低區一丈五兩兒乞丐一女賣老
婦啼飢目已瞽我謂老農勿復悲鄱陽幸有好官府
況今 聖主垂衣裳已飢已溺逾陶唐大吏朝 奏
夕 報可賑金百萬輕毫芒給汝籽種蠲汝賦耕
鑿依舊安農桑此圖心血淋漓濺摹本留爲司牧勸
重繪 堯天擊壤圖再補龔黃循吏傳

雨霽郊行

凍雷猶聽響遙空樹杪泉懸百尺猷山腹蒸雲藏白

馬江腰橫霧束青虹帆檣影度層巒下簑笠人耕返
照中春色闌珊心緒倦最憐屐齒躑殘紅

過廢園

無人盡日啟柴關孤客尋幽自往還溪面濕青皆化
水樹頭濃綠尙遮山琴樽夢斷荒坪外脂粉痕留折
檻間一百餘年三易主滄桑塵世小循環

偕馮子良汪春生飲李寶之寄隱山莊明日各
寄此詩

遠勝君平隱市中往來有客寄詩筒一溪水漲桃花

雨半榻人涼柳葉風瓜事徵書誇腹笥酒樽滴響出
房藥昨宵便是香山會漸漸相看成四翁

己酉入闈口號

戰士銜枚靜不譁秋簾五度試煎茶名心已作泥中
絮老眼終迷霧裏花欲引金針頻壓線未通銀漢待
乘槎素娥應識袁絲面雙鬢今年雪更加

再和蔣玉峯觀察丙午科內簾監試卽事韻

垂簾藥鼎手親煎懶向中庭看月圓白眼由他呼睡
漢黃金眞欲鑄詩仙

指黃少鐵程
卧梅兩分校

花曾識面開三次

奎宿堂前老桂每燕再尋巢隔二年
丙午余聞道新

值鄉試開花三次亦分校
妝宜淺淡舊時眉譜盡拋捐

姓氏誰從月窟題登瀛猶隔十層梯
原知仕路雲泥

判慶書五觀察余於丙午分
校時猶在南昌縣任內那得才人福命齊
文陣

九霄摩健鵠仙心一點鬪靈犀
戰場過眼多經歷老

馬居然識路迷

聚星堂上集羣公墨汁淋漓卷軸中
春夢久消鴻爪

雪秋襟重拂桂枝風鬢添東野千絲
白香祝南豐一

瓣紅刻燭催詩何太急未遑作草事匆匆

許多羅漢墮塵凡選佛壇中暗立監
珊樹重生新鐵網酒痕猶漬舊朝衫
文嫌羅艾詞華瘦詩學孫吳紀律嚴
自笑玉皇香案吏十年終不換頭銜

揭曉後外監試慶書五觀察以百花洲消夏圖

索題

我登金焦巔浩蕩思君子同歲復同鄉
同飲西江水君才策高足道路開駉駉
彈丸七十五領袖南昌宰心雄拓千古
腰折勞十載早乘刺史廳遂繡監司豸
東湖高士廬來作諸侯邸牽蘿補欄楯
抱甕灌蓀蒞

十頃蓮花開識面鴛鴦喜詎存邱壑懷聊證濠梁理
一竿釣長鯨其氣吞渤澥頗念此亭臺星輶常戾止
今日寄所寄爪迹宛然在吳生妙擅場眉宇寫纒纒
風度何端凝神似非形似巍峩龍門開一萬銜枚士
東坡作監試索句催傳紙煎茶鬪險韻佳話歐梅始
平生愧魯鈍分校濫相委陸莊已久荒敢說栽桃李
昨宵十三月老桂綻金蕊緬彼素心人咫尺隔千里
揭曉後一日披圖意棖觸技癢唱巴俚茵溷判雲泥
未撤關防
槐橘仍兄弟紅牋旣揭曉白墮定相待池荷惜離披

徑菊含蓓蕾再當展重陽賈勇摩詩壘遙望斗牛間
夜深氣猶紫

錢筱南先生以金荃體四律索和并索如冠九
宮贊程卧梅大令同和

花底欄杆日日憑弓鞋尖小立難勝病無靈藥將奔
月詩有仙心欲鏤冰苔砌數叢栽菊婢茗園一餅碾
茶僧睡華鬢影分明近遮斷巫雲嶺十層

前身原是步非烟小字卿憐實可憐偶涉驚波能解
脫漫求複壁匿嬋娟愁多自把情絲裏緣在終將恨

窟墳載得桃根雙槳捷江程百里直如弦
別來祇覺歲華長空惱蘇州刺史腸珠淚汎瀾思謝
豹錦衾嘲笑薄袁羊通詞不隔晶簾底理髮曾窺玉
鏡旁阿母近知腰瘦減裁衣寬窄費商量

紅綃蹤跡去冥冥陌上香車不再停記替畫眉彎半
月與誰攜手誓雙星鴛離南浦頭先白梅嫁東風子
已青孽草罪花都懺悔湏子一枕夢初醒

原作

筱南

同心有誓轉無憑入骨相思病不勝暖到錦衾曾

倚玉冷拋羅襪竟成冰
妾生原是貧家女郎意
休如退院僧一派笙歌聲
隔水華燈紅上閣三層

春雲如夢月如烟
怨碧愁紅亦自憐
柳絮但知催決絕
菱花原不照嬋娟
成河淚盼槎能渡
銜石冤疑海可填
便是重逢真有日
此情已似箭離弦

一江春水比愁長
不斷迴波只斷腸
去後音書遲過雁
別時愁緒正亡羊
人言玉樹生階下
我惜瓊花棄路旁
未必石崇能好色
珍珠十斛漫輕量
接天芳草雨冥冥
心似車輪轉未停
涼入鬢絲防

溼露笑傳眉語怕零星鴛鴦可羨頭俱白鸛鴒何
能眼並青一味膏騰休藉酒不曾眞醉那須醒

無題和雷竹泉比部原韻

蕊珠宮裏寫靈飛一謫塵寰萬事非薄命才人偏晚
嫁封侯夫婿不思歸心慵覓句拋詩韻手慣拈花悟
道機纔約餞春春已去殘紅滿徑綠成幃

銀河不隔粉牆頭盼斷橫波玉筍流荀令香袞空有
夢麻姑霜鬢忽驚秋情天懊惱鴛鴦燒瓦福地虛無蜃
作樓輪與銜泥雙燕子得窺東閣傍簾鉤

校書博士盡仙才眞覺班姬再世來紅豆一雙鋤月
種碧城十二倚雲開承恩空望迴心院療妬終無說
法臺杜若凋零芳草怨東皇孤負昔時栽

脂粉經旬懶不施香山猶未遭楊枝枇杷門閉蕭孃
宅雲雨天疑宋玉詞拾翠髻年仙侶少背燈愁緒侍
兒知白頭吟與秋風扇誤盡簾前著眼時

無題和前韻

代

鵲鵲繡出總雙飛女伴由他說是非盟月定邀蟾作
証看花偏厭蝶隨歸貞心願守葳蕤鎖弱手思操絡

緯機妾本小家蘿屋女未堪消受碧紗幃

十五釵笄初上頭虛名慚愧冠時流詞鈔紅袖稱三
影人共黃花瘦一秋繫臂好添長命縷前身原住莫
愁樓蛾眉亦有英雄恨敲折珊瑚七寸鈎

不解憐才解妬才一峯縹緲隔飛來琴挑未許雙聲
合花艷剛逢半面開細數韶齡同錦瑟愛翻法曲奏
瑤臺東風抬舉顰脂草莫向明妃塚畔栽

稽首還祈佛力施蓮臺滴水灑楊枝閉門託病偷臨
帖離席更衣避謔詞畫裏丰神前度肖夢中啼笑自

家知鄰姬金線年年壓一樣蹉跎待字時

南豐道中

小郭環春水平橋接畫隄日暄飛絮暖風軟落花低
簾筏人撐渡胡盧鳥勸提秧歌聽四起如泛剡中溪
再過甯都望金精山

七子傳青史全家住翠微黨碑遺墨重徵士後人稀
行役難停輒長歌感采薇易堂他日訪一叩白雲扉
送黃韻珊孝廉北上春官並題南浦圖卽用其

見贈原韻

鏤月裁雲構艷思圖分主客互評詩西冷夜雨談耆

舊南浦春波感別離

如冠九宮贊繪南浦圖贈行

檀板流傳洪蔣

曲

君著帝女花等傳奇五種贈炙人口

草堂組織宋元詞

君著拙宜

荷

花生日錢郎宅記取紅兒捧硯時

小集錢筱南先生寓齋宮贊復題詞

圖上小荷遠香雨女史磨墨捧硯

酒痕猶漬黑貂裘羈迹虔南未共遊及第花先通吉

夢愛才風亦送歸舟竹傳芳信金錢卜桂傍仙宮玉

斧修越水吳山詩料富離愁一點記沙鷗

君先旋里再赴禮闈

雨中行館讀小倉山房詩集

藏園甌北非公敵絕後空前筆一枝循吏詞臣應合

傳衰宗薄宦不同時

先生大父自慈谿遷居錢塘余家自鄞縣遷居太倉先君子秋

試時嘗寓隨園及余遊金陵先生久歸道山音問遂絕

盛名得借江山助惠政

猶深父老思我竊集中詩一句不相非薄不相師

泊水口寺

寺前兩度泊輕舺臘鼓迎年聽又搗山色仍看青繞
郭村民多傍崦爲家左卿遼海歸來鶴夢得元都去
後花聽說使君曾識面白髭零落眼麻沙

登東山

東郊一卷石氣壓萬峯低雲湧挾山走人行逐鳥齊
官橋橫浦上砥柱夕陽西指點梅關路霄懸白玉梯

課道源書院率諸生謁四賢祠

嶺北開文教濂溪有講壇衣冠多士集松柏四山寒
藥憶巖前曬琴誰谷口彈眞儒過化地私淑啟新安

催科謠

縣符四出官下鄉滾頭里長傳呼忙鳴鉦聚族開祠
堂數家頑戶先遠颺應門老嫗髮垂白七十殘年足
跛蹙蓬頭穉子袴不完鼻涕零丁長一尺乃翁昨夜

狂呼盧一擲十貫青銅蚨

長吏催科最難報蠹役坐收鼠雀耗欠糧不論歲豐
凶歉屋年年望 恩詔十年兩次蠲民逋案成挪墊
官捐輸一行作吏來田間那得銅山自鑄錢

風雨催租吏打門雞犬寂寂聲不聞烏犍穀觫老且
病牽來不值錢十緡山田皮骨已盡賣猶代完糧抵
餘債一女兩嫁訟到官鵠面鳩形向官拜吁嗟官窮
民亦窮催科無術矜哀鴻火籤紛紛捉人去旅館默
坐裝癡聾

林密山深古獠砦桑麻別有桃源界一吏抱冊坐墟
場趁墟按額來完糧老拳必報睚眦忿昨夜殺人血
濺刃催租有吏宿其家搖手禁聲不敢問

有屯無戶安有糧有戶無糧人死亡軍田盡作民田
賣軍民不辨田疆界縣官按額徵屯餘昔時禾黍今
墳廬簽丁歲歲轉漕船給丁歲歲無餘租催征不力
官鑄級羽檄飛提星火急帑銀累萬尙可遲憲吏飯
銀遲不得

地丁歲額三千兩五載全完考上上赤縣民逋十萬

金剏肉補瘡解官帑一朝大吏章飛彈玉門人去歸
來難癡兒不了公家事後官卻替前官攤張公喫酒
李公醉李代桃僵亦奇事

左拔墟宿觀音院

掃榻東軒坐山深秋更涼松林通月牖竹塢隱雲房
佛照一燈瘦僧耕半世忙吾來亦聽訟愧說憩甘棠
卽事

鷓鴣鳴時隴麥青泊湖艇子小蜻蜓來生不作官身
想去講魚經與鷓鴣經

煮栗

敢說廬山芋共煨神仙根器濟時才此生合啖南安
栗六十年前判斷來

五里山

出郭青蒼五里程山田磽瘠少人耕龔黃以後難言
政楚粵之間未撤兵空歎十旬愆雨澤祇留兩袖說
風清老懷頗切民饑念夢寐如聞打稻聲

出鳳凰城

城爲前明王
文成公所築

四更星影裏走馬鳳凰城霜露蒼涼氣弓刀窸窣聲

楊村方結砦梅嶺又防兵讀罷文成疏香焚一瓣清

新城道中

望雨經旬總不成重陽過後一冬晴松毛補瓦魚鱗
厚石卵填橋雁齒平小市人喧瓶注酒迴灘水激碓
舂粳此鄉倘使消爭鬪便是羲皇太古氓

小溪行館題壁間

半生書卷不離手夙慧三分鈍七分舌本回甘思諫
果鼻端斲聖運神斤迴翔未脫泥塗辱疎懶難爭翰
墨勩待謁督郵忘束帶偷閒覓句趁斜曛

重九日至寶界寺

朝朝厭聽鼓三撾心戀淞皋舊釣槎被酒偶因風落
帽題詩豈羨壁籠紗管城事業渾如夢傳舍生涯不
是家摘得黃花憐鬢禿分將侍女助盤鴉

梅嶺呈盛愷廷太守

萬峰圍繞一譙樓前席今宵借箸籌記取重陽三日
後梅花香裏話防秋

梅嶺於重陽後開花數枝

駐兵梅嶺侍蔣玉峯觀察憇甘露寺

嶺上慈雲護繡幢長明焰焰佛前釭心丹未轉洪鑪

九腳力猶輕畫屐雙閒數神鴉歸遠寺靜聞驛馬啣
枯樁知公籌筆多韜略擬築堅城號受降

侍玉峯觀察謁張文獻公祠

青山絕頂曲江祠手薦溪毛拜玉墀鳥道穿雲通驪
垓梅花飄雪冷旌旗開編重讀千秋鑑傳箭親提一
旅師風度端凝人不見夕陽黃葉立多時

與姚孝寬參軍談白門舊事

一斗澆胸臆從君話六朝白楊十字巷青草已蕭蕭
我亦江南客三山手可招頻年驚水患建議屬芻蕘

金陵頻年水患君著
水道圖說上大府

崇義山中夙產白鵬購之不得偶讀太白向黃

山胡公求白鵬詩遂步其韻

罕有連城璧難求雙白鵬飛騰霄漢志皎潔雪霜顏
早脫樊籠內彌耽泉石間不羣標耿介顧影養幽閑
星謫尋詩客巢棲戀故山嗤他臂講鶻饑便逐人還
自小梅關出五里山

仙人去後草堂傾石逕崎嶇下馬行萬畝稊稭騰瑞
靄四山松檜戰秋聲地連獠峒崇關險星掃欃槍古

壘平寄語材官休冷眼請纓畢竟屬書生

十一月榴花盛開

隣女東窗海石榴攢霞簇錦火成毬百花頭上爭先
放祇恐寒梅妬不休

庚戌除夕

屠蘇酒熟薦辛盤繞膝雛孫解笑歡五斗漫嫌爲吏
俗千秋終覺置身難世情莫辨雌雄鳥里少猶探黑
白丸我本雪中僵卧慣梅花嶺北不知寒

漫興

閒庭積雨綠生莎
紅杏枝頭綴錦窠
鬢偶斷時將匣
貯爪微裂處向牆磨
篆留石磴蝸涎曲
壘築雕梁燕
糞多空色皆忘禪
力定一雙天女伴
維摩

東風

盡日春陰暗碧紗
簾鈎微動篆烟斜
東風不解吹愁
去反使愁人怨落花

自章門回南郡舟中遣興

一棹中流日已晡
西風瑟瑟響菰蒲
嶺頭梅放春先到
船裏月來客不孤
金少敢嫌官職賤
詩荒漸覺性

靈枯平生頗識江湖味怪底茲行似畏途

無題三和前韻示梅翁

瓦裂鴛鴦片片飛風波定後事皆非夢中人比梅花
瘦畫裏魂招燕子歸惜玉本關司命意尋香偶洩化
工機羅敷有婿同漂泊淚滴蘼蕪獨掩幃

唱殘樂府大刀頭九折腸如九曲流拚把明珠輕一
擲鑄成錯鐵已千秋夕陽迴馬枇杷巷春雨聽鶯翡翠樓
差喜採蓮人早去鞋痕何處覓雙鉤

一紙蕭娘絕世才中書元相悔重來仙娥刼到還須

謫瓊樹花彫待再開入耳已驚琴在爨回心空賦鏡
離臺杜秋謝客雲英嫁夜合從今莫浪栽

淡掃蛾眉粉不施倩誰擡舉鳳凰枝難開碧玉連環
鎖最怯紅兒對簿詞打鴨驚鴛鴦情太薄損花成蜜讖
先知滑稽祇有東方朔冷眼窺窗一笑時

過樟橋

樟橋三十丈磧壅與沙屯郵堠通江粵滄桑歷宋元
渡頭殘雨歇山腹夕陽昏漸入鍋坑路漁舟泊水村
所見

白雲影共溪船走綠樹陰將野寺圍
百級梯田懸絕磴稻花香裏鷓鴣飛

題秦淮泛月畫卷

十載遊踪白下門匆匆春夢過無痕
燈挑紅袖評花譜簾捲青山入酒樽
月影輝娟千里共風流香舊幾人存
卷中添箇支離叟招得江郎別後魂

南野道中

日腳下西嶺甲光騰赤龍返照東嶺上
霜葉千花紅十月氣候煖拂面多東風
老梅競吐藥香藹吹冥濛

村村打晚稻比屋懽兒童漸看暝色合高樹寒雲封
樵夫指茅店投宿良匆匆今宵千里客獨卧萬山中

冬夜山館

出戶望空宇迷茫咫尺間凍雲時掩月濕霧欲沉山
燈火如無焰柴扉尙未關惟聞飛瀑瀉四壁響潺潺

紙被

記劍南詩集中吟咏及
是物爲南郡土產

輒如疏布輕如絮位置藜牀亦禦寒莫羨黃紬高卧
客夢中憂患有千端

水輪行

江流平緩不作湍壘石激水如迴灘架輪縛筒轉機
軸神龍出沒翻波瀾百筩共注一槽內長木剝腹通
漫漫呶啞叫空數行雁昏旦旋磨雙飛九馮夷起舞
花滾雪瀑布倒挂珠跳盤車龍官拜轉運使禿妓失
色山農歡吾聞水輪日多沙日積昔時野老曾相歎
涓涓一線濟舟楫傷賈卽是傷農端卅年以後事可
覩河身躍馬登崇巒君不見昌陽百里沿溪碓日夜
雲春資粉丹